

合部金光明經

卷五

百二十七
化五

48148



合部金光明經卷第五

化

隋大興善寺沙門 寶貴合入

四天王品第十

爾時毗沙門天王提頭賴吒天王毗留勒叉
天王毗留博叉天王俱從座起偏袒右肩右
膝著地胡跪合掌白佛言世尊是金光明微

妙經典衆經之王諸佛世尊之所護念莊嚴
菩薩深妙功德常爲諸天之所恭敬能令天
王心生歡喜亦爲護世之所讚歎此經能照
諸天宮殿是經能與衆生快樂是經能令地
獄餓鬼畜生諸河燋乾枯竭是經能除一切
怖畏是經能却他方怨賊是經能除穀貴飢

饑是經能愈一切疫病是經能滅惡星變異
是經能去一切憂惱舉要言之是經能滅一
切衆生無量無邊百千苦惱卍尊是金光明
微妙經典若在大衆廣宣說時我等四王及
餘眷屬聞此甘露無上法味增益身力心進
勇銳具諸威德卍尊我等四王能說正法修
行正法爲卍法王以法治卍卍尊我等四王
及天龍鬼神乾闥婆阿修羅迦樓羅緊那羅
摩睺羅伽以法治卍遮諸惡鬼噉精氣者卍
尊我等四王二十八部諸鬼神等及無量百
千鬼神以淨天眼過於人眼常觀擁護此閻
浮提卍尊是故我等名護卍王若此國土有

諸衰耗怨賊侵境飢饉疾疫種種艱難若有
比丘受持是經我等四王當共勸請令是比
丘以我力故疾往彼所國邑郡縣廣宣流布
是金光明微妙經典今如是等種種百千衰
耗之事悉皆滅盡世尊如諸國王所有土境
是持經者若至其國是王應當往是人所聽
受如是微妙經典聞已歡喜復當護念恭敬
是人世尊我等四王復當勤心擁護是王及
國人民為除衰患今得安隱世尊若有比丘
比丘居優婆塞優婆夷受持是經若諸人王
有能供給施其所安我等四王亦當今是王
及國人民一切安隱具足無患世尊若有四

衆受持讀誦是妙經典若諸人王有能供養
恭敬尊重讚歎我等四王亦復當今如是人
王於諸王中常得第一供養恭敬尊重讚歎
亦令餘王欽尚羨慕稱讚其善爾時卅尊讚
歎護卅四天王等善哉善哉汝等四王過去
已曾供養恭敬尊重讚歎無量百千万億諸
佛於諸佛所種諸善根說於正法修行正法
以法治卅爲人天王汝等今日長夜利益於
諸衆生行大慈心施與衆生一切樂具能遮
諸惡勤與諸善以是之故若有人王能供養
恭敬此金光明微妙經典汝等正應如是護
念滅其苦惱與其安樂汝等四王及諸眷屬

無量無邊百千鬼神若能護念如是經典者
即是護持去來現在諸佛正法汝等四王及
餘天衆百千鬼神與阿脩羅共戰鬥時汝等
諸天常得勝利汝等若能護念是經悉能消
伏一切諸苦所謂怨賊飢饉疾疫若四部衆
有能受持讀誦此經汝等亦應勤心守護爲
除哀惱施與安樂爾時四王復白佛言世尊
是金光明微妙經典於未來世所在流布若
國土城邑郡縣村落隨所至處若諸國王以
天律治世復能恭敬至心聽受是妙經典并
復尊重供養供給持是經典四部之衆以是
因緣我等時時得聞如是微妙經典聞已即

得增益身力心進勇銳具諸威德是故我等
及無量鬼神常當隱形隨其妙典所流布處
而作擁護令無留難亦當護念聽是經典諸
國王等及其人民除其患難悉令安隱他方
怨賊亦使退散若有人王聽是經時隣國怨
敵興如是念當具四兵壞彼國土世尊以是
經典威德神力故爾時隣敵更有異怨爲作
留難於其境界起諸哀惱災異疫病爾時怨
敵起如是等諸惡事已備具四兵發向是國
規往討伐我等爾時當與眷屬無量無邊百
千鬼神隱蔽其形爲作護助令彼怨敵自然
退散起諸怖懾種種留難彼國兵衆尚不能

到況復當能有所破壞爾時佛讚四天王等
善哉善哉汝等四王乃能擁護我百千億那
由他劫所可修集阿耨多羅三藐三菩提及
諸人王受持是經恭敬供養者為消衰患令
其安樂復能擁護宮殿舍宅城邑村落國土
邊壇乃至怨賊悉令退散滅其衰惱令得安
隱亦令一切閻浮提內所有諸王無諸凶衰
鬪訟之事四王當知此閻浮提八萬四千城
邑聚落八萬四千諸人王等各於其國娛樂
快樂各各於國而得自在於自所有錢財珍
寶各各自足不相侵奪如其宿世所修集
業隨業受報不生惡心貪求他國各各自生

利益之心生於慈心安樂之心不諍訟心不
破壞心無繫縛心無楚撻心各於其土自生
愛樂上下和睦猶如水乳心相愛念增諸善
根以是因緣故此閻浮提安隱豐樂人民熾
盛大地沃壤陰陽調和時不越序日月星宿
不失常度風雨隨時無諸災橫人民豐實自
足於財心無貪悋亦無嫉妬等行十善其人
壽終多生天上天宮充滿增益天衆若未來
世有諸人王聽是經典及供養恭敬受持是
經四部之衆是王則爲安樂利益汝等四王
及餘眷屬無量百千諸鬼神等何以故汝等
四主若得時時聞是經典則爲以得正法之

水服甘露味增益身力心進勇銳具諸威德
是諸人王若能至心聽受是典則爲已能供
養於我若供養我則是供養過去未來現王
諸佛若能供養過去未來現在諸佛則得無
量不可思議功德之聚以是因緣是諸人王
應得擁護及后妃姝女中宮眷屬諸王子等
亦應得護衰惱消滅快樂熾盛宮殿堂宇安
隱清淨無諸災變護宅之神增長威德亦受
無量歡悅快樂是諸國土所有人民悉受種
種五欲之樂一切惡事悉皆消滅
爾時四天王白佛言世尊未來之世若有人
王欲得護身及后妃姝女諸王子等宮殿屋

宅得第一護身所王領最爲殊勝具不可思
護王者功德欲得攝取無量福聚國土無有
他方怨賊無諸憂惱及諸苦事世尊如是人
王不應放逸散亂其心應生恭敬謙下之心
應當莊嚴第一微妙最勝宮宅種種香汁持
用灑地散種種華敷大法座師子之座兼以
無量珍奇異物而爲校飾張施種種無數微
妙幢幡寶蓋當淨洗浴以香塗身者好淨衣
瓔珞自嚴坐小卑座不自高大除去自在離諸
放逸謙下自卑除去憍慢正念聽受如是妙
典於說法者生世尊想復於宮內后妃王子
姝女眷屬生慈哀心和顏與語勸以種種供

養之具供養法師是王爾時既勸化已即生
無量歡喜快樂心懷悅豫倍復自勵不生疲
倦多作利益於說法者倍生恭敬

爾時佛告四天大王爾時大人王應着白淨鮮
潔之衣種種瓔珞齊整莊嚴執持素白微妙
上蓋服飾容儀不失常則躬出奉迎說法之

人何以故是王如是隨其舉足步步之中即
是供養值遇百千億那由他諸佛出世尊復得
超越如是等劫生死之難復於來世爾所劫
中常得封受轉輪王位隨其步步亦得如是
現世功德不可思議自在之力常得最勝極
妙七寶人天宮殿在在生處增益壽命言語

辯了人所信用無所畏忌有大名稱常為人
天之所恭敬天上人中受上妙樂得大勢力
具足威德身色微妙端嚴第一常值諸佛遇
善知識成就具足無量福聚汝等四天王如
是人王見如是等種種無量功德利益是故
此王應當躬出奉迎法師若一由旬至百千
由旬於說法師應生佛想應作是念今日釋
迦如來正智入於我宮受我供養為我說法
我聞是法即不退轉於阿耨多羅三藐三菩
提已為得值百千万億那由他佛為已供養
過去未來現在諸佛已得異竟三惡道苦我
今已種百千無量轉輪聖王釋梵之因已種

無邊善根種子已令無量百千万億諸衆生
等度於生死已集無量無邊福聚後宮眷屬
已得擁護宮宅諸哀悉已消滅國土無有怨
賊棘刺他方怨敵不能侵陵汝等四王如是
人王應作如是供養正法清淨聽受是妙經
典及恭敬供養尊重讚歎持是經典印部之
衆亦當迴此所得最勝功德之分施與汝等
及餘眷屬諸天鬼神聚集如是諸善功德現
世常得無量無邊不可思議自在之利威德
勢力成就具足能以正法摧伏諸惡

爾時四王白佛言世尊若未來世有諸人王
作如是等恭敬正法至心聽受是妙經典及

恭敬供養尊重讚歎持是經典四部之衆嚴
治舍宅香汁灑地專心正念聽說法時我等
四王亦當在中共聽此法願諸人王爲自利
故以已所得功德少分施與我等世尊是諸
人王於說法者所坐之處爲我等故燒種種
香供養是經是妙香氣於一念頃即至我等
諸天宮殿其香即時變成香蓋其香微妙金
色晃耀照我等宮釋宮梵宮大辯神天功德
神天堅牢地神散胎鬼神最大將軍二十八
部鬼神大將摩醯首羅金剛密迹摩屈跋陁
鬼神大將鬼子母與五百鬼子周遍圍遶阿
耨達龍王娑竭羅龍王如是等衆自於宮殿

各各得聞是妙香氣及見香蓋光明普照是
香蓋光明亦照一切諸天宮殿佛告四王是
香光明非但至汝四王宮殿何以故是諸人王
手擎香鑪供養經時其香遍布於一念頃遍
至三千大千世界百億日月百億大海百億
須彌山百億大鐵圍山小鐵圍山及諸山王
百億四天下百億四天王天百億三十三天
乃至百億非想非非想天於此三千大千世
界百億世界三十三天一切龍神乾闥婆阿
脩羅迦樓羅緊那羅摩睺羅伽宮殿虛空悉
滿種種香煙雲蓋其蓋金光亦照宮殿如
是三千大千世界所有種種香煙雲蓋皆是

此經威神力故是諸人王手擎香鑪供養經
時種種香氣不但遍此大千世界於一念頃
亦遍十方無量無邊恒河沙等百千万億諸
佛世界於諸佛上虛空之中亦成香蓋金光
普照亦復如是諸佛世尊聞是妙香見是香
蓋及金色光於十方界恒河沙等諸佛世尊
作如是等神力變化已異口同音於說法者
稱讚善哉善哉大士汝能廣宣流布如是
甚深微妙經典則為成就無量無邊不可
思議功德之聚若有聞是其甚深經典所得功
德則為不少況持讀誦為他衆生開示分別
演說其義何以故善男子此金光明微妙經

典無量無邊億那由他諸菩薩等若得聞者
即不退於阿耨多羅三藐三菩提爾時十方
無量無邊恒河沙等諸佛世界現在諸佛異
口同聲作如是言善男子汝於來世畢定當
得坐於道場菩提樹下於三界中最尊最勝
出過一切衆生之上勤修力故受諸苦行善
能莊嚴菩提道場能壞三千大千世界外道
邪論摧伏諸魔怨賊異形覺了諸法第一寂
滅清淨無垢甚深無上菩提之道善男子汝
已能坐金剛座處轉於無上諸佛所讚十二
種行甚深法輪能擊無上最大法鼓能吹無
上極妙法螺能豎無上最勝法幢能然無上

極明法炬能雨無上甘露法雨能斷無量煩惱結怨能令無量百千萬億那由他衆度於無崖可畏大海解脫生死無際輪轉值遇無量百千萬億那由他佛

爾時四天王復白佛言世尊是金光明微妙經典能得未來現在種種無量功德是故人王若得聞是微妙經典則為已於百千萬億無量佛所種諸善根我以敬念是人王故復見無量福德利故我等四王及餘眷屬無量百千萬億鬼神於自宮殿見是種種香煙雲蓋瑞應之時我當隱蔽不現其身為聽法故當至是王所止宮殿講法之處大梵天王釋

提桓因大辯天神功德天神堅牢地神散脂
鬼神大將軍等二十八部鬼神大將摩醯首
羅金剛密迹摩尼跋陀鬼神大將鬼子母及
五百兒子周匝圍遶阿耨達龍王娑竭羅龍
王無量百千億那由他鬼神諸天如是等衆
爲聽法故悉自隱蔽不現其身至是人王所
止宮殿講法之處世尊我等四王及餘眷屬
無量鬼神悉當同心以是人王爲善知識同
共一行善相應行能爲無上大法施主以甘
露味充足我等我等應當擁護是人王除其衰
患令得安隱及其宮宅國土城邑諸惡災患
悉令消滅世尊若有人王於此經典心生捨

離不樂聽聞其心不欲供養恭敬尊重讚歎
若四部衆有受持讀誦講說之者亦復不能
恭敬供養尊重讚歎我等四王及餘眷屬無
量鬼神即便不得聞此正法背甘露味失大
法利無有勢力及以威德減損天衆增長惡
趣卅尊我等四王及無量鬼神捨其國土不
但我等亦有無量守護國土諸舊善神皆悉
捨去我等諸王及諸鬼神旣捨離已其國當
有種種災異一切人民失其善心唯有繫縛
瞋恚鬪諍互相破壞多諸疾疫惡星現怪流
星崩落五星諸宿違失常度兩日並現日月
博蝕白黑惡虹數數出現大地震動發大音

聲暴風惡雨無日不有穀米勇貴飢饉凍餓
多有他方怨賊侵掠其國人民多受苦惱其
地無有可愛樂處世尊我等四王及諸無量
百千鬼神并守國土諸舊善神遠離去時生
如是等無量惡事世尊若有人王欲得自護
父王國土多受安樂欲令國土一切衆生悉
皆成就具足快樂欲得摧伏一切外敵欲得
擁護一切國土欲以正法正治國土欲得除
滅衆生怖畏世尊是人王等應當畢定聽是
經典及恭敬供養讀誦受持是經典者我等
四王及無量鬼神以是法食善根因緣得服
甘露無上法味增長身力心進勇銳增益諸

天何以故以是人王至心聽受是經典故如
諸梵天說出欲論釋提桓因種種善論五通
之人神仙之論世尊梵天釋提桓因五神通
人雖有百千億那由他無量勝論是金光明
於中最勝所以者何如來說是金光明經為
衆生故為令一切閻浮提內諸人王等以正
法治為與一切衆生安樂為欲愛護一切衆
生欲令衆生無諸苦惱無有他方怨賊棘刺
所有諸惡背而不向欲令國土無有憂惱以
正法教無有諍訟是故人王各於國土應然
法炬熾然正法增益天衆我等四王及無量
鬼神閻浮提內諸天善神以是因緣得服甘

露法味充足得大威德進力具足閻浮提內
安隱豐樂人民熾盛安樂其處復於來世無
量百千億不可思議那由他劫常受微妙第
一快樂復得值遇無量諸佛種諸善根然後
證成阿耨多羅三藐三菩提如是等無量功
德悉是如來正遍知說如來過於百千億那
由他諸梵天等以大悲力故亦過無量百千
億那由他釋提桓因以苦行力故是故如來
爲諸衆生演說如是金光明經若閻浮提一
切衆生及諸人王世間出世間所作國事所
造世論皆因此經欲令衆生得安樂故釋迦
如來示現是經廣宣流布世尊以是因緣故

是諸人王應當畢定聽受供養恭敬尊重讚
歎是經爾時佛復告四天王汝等四王及餘
眷屬無量百千那由他鬼神是諸人王若能
至心聽是經典供養恭敬尊重讚歎汝等四
王正應擁護滅其衰患而與安樂若有人能
廣宣流布如是妙典於人天中大作佛事能
大利益無量衆生如是之人汝等四王必當
擁護莫令他緣而得擾亂令心澹靜受於快
樂續復當得廣宣是經爾時四王即從座起
偏袒右肩右膝著地長跪合掌於世尊前以
偈讚曰

佛月清淨滿足莊嚴佛日暉曜放千光明

如來面目最上明淨齒白無垢如蓮華根
功德無量猶如大海智淵無邊法水具足
百千三昧無有缺減足下平滿千輻相現
足指網縵猶如鵝王光明晃曜如寶山王
微妙清淨如鍊真金所有福德不可思議
佛功德山我今敬禮佛真法身猶如虛空
應物現形如水中月無有障礙如談如化
是故我今稽首佛月

爾時世尊以偈答曰

此金光明諸經之王甚深最勝為無有上
十力世尊之所宣說汝等四王應當勤護
以是因緣是深妙典能與衆生無量快樂

為諸衆生安樂利益故久流布於閻浮提
能滅三千大千世界所有惡趣無量諸苦
閻浮提內諸人王等心生慈愍正法治世
若能流布此妙經典則令其土安隱豐熟
所有衆生悉受快樂若有人王欲愛己身
及其國土欲令豐盛應當至心淨潔洗浴
往法會所聽受是典是經能作所有善事
摧伏一切內外怨賊復能除滅無量怖畏
是諸經王能與一切無量衆生安隱快樂
譬如寶樹在人家中悉能出生一切珍寶
是妙經典亦復如是悉能出生諸王功德
如清冷水能除渴乏是妙經典亦復如是

能除諸王功德渴乏譬如珍寶異物箠器
悉在于手隨意所用是金光明亦復如是
隨意能與諸王法寶是金光明微妙經典
常為諸天恭敬供養亦為護世四大天王
威神勢力之所護持十方諸佛常念是經
若有演說稱讚善哉亦有百千無量鬼神
從十方來擁護是人若有得聞是妙經典
心生歡喜踊躍無量閻浮提內無量大眾
皆悉歡喜集聽是法聽是經故具諸威德
增益天眾精氣身力

爾時四王聞是偈已白佛言世尊我從昔來
未曾得聞如是微妙寂滅之法我聞是已心

生悲喜涕淚橫流舉身戰動肢節怡解復得
無量不可思議具足妙樂以天曼陀羅華摩
訶曼陀羅華供養奉散於如來上作如是等
供養佛已復白佛言世尊我等四王各各自
有五百鬼神常當隨逐是說法者而為守護

合部金光剛經卷第五

化

吒天

下竹反

勇銳

下羊反

規往

上俱反

蔽

必祭

反怖懾

下其預反

邊壇

下音薑

娛樂

上音

自

音

楚捷

下他反

沃壤

上烏反

肥濃

下汝反

珍琦

下音

自

下他反

上烏反

下汝反

下音

下音

下音

下音

下音

勵

勉下

力音

也例

棘

刺

力上

反紀

晃

曜

廣上

反胡

摩

醖

下

呼

法

蠶

字下

螺

無

涯

下

亦

作

崖

音

彗

星

上

旬

歲

反

博

蝕

月下

音

食

侵

日

工

音

紅

侵

掠

下

音

略

澹

靜

上

淡

淵

烏

玄

千

輻

輪

音

福

綱

縵

下

莫

官

反

拍

根

怡

解

下

胡

賣

反

之

反

綱

縵

相

連

謂

之

拍

根

皮



